

Na osnovu člana 42. Zakona o sportu (“Službene novine Kantona Sarajevo”, broj 11/01), člana 10. Odluke o ostvarivanju javnog interesa Općine Stari Grad Sarajevo u oblasti sporta (“Službene novine Kantona Sarajevo”, broj 27/01) i člana 70. Statuta Općine Stari Grad Sarajevo – Prečišćen tekst (Službene novine Kantona Sarajevo”, broj 31/08), Načelnik Općine Stari Grad Sarajevo donio je

## **P R A V I L N I K O KRITERIJIMA ZA FINANSIRANJE JAVNOG INTERESA OPĆINE STARI GRAD SARAJEVO U OBLASTI SPORTA**

### **Član 1.**

Odredbe Zakona o sportu (u daljem tekstu: Zakon) kao i opredijeljenja Općinskog vijeća Stari Grad Sarajevo utvrđena Strategijom razvoja sporta Općine i Odlukom o načinu ostvarivanja javnog interesa Općine u oblasti sporta (u daljem tekstu: Odluka), određuju uslove prema kojim se sredstvima općinskog budžeta prevashodno mogu finansirati:

- ◆ izgradnja, obnova i održavanje sportskih objekata od značaja za Općinu, te uređenje i održavanje izletničko-rekreacionih prostora na području Općine;
- ◆ masovno bavljenje sportskim aktivnostima, odnosno „razvojni sport“ na način koji podrazumijeva stručnu sportsku edukaciju školske djece i omladine sa područja Općine;
- ◆ „sport za sve“, s posebnom pažnjom na sportski tretman školske djece i omladine, kao i invalidnih lica;
- ◆ sportske manifestacije,
- ◆ kategorisani sportisti.

### **Član 2.**

Realnim planiranjem budžetskih sredstava i realizacijom godišnjih programa rada Načelnika Općine, stvarat će se materijalno-tehničke, kadrovske i finansijske pretpostavke za projektovanje, izgradnju i obnovu sportskih objekata, te podržavati programi koji su u funkciji čuvanja i održavanja sportskih objekata i izletničko-rekreacionih prostora od značaja za Općinu.

### **Član 3.**

Budžetskim sredstvima mogu se finansirati isključivo programi – projekti sportskih organizacija bez obzira na njihovo sjedište, pod uslovom da je njima obuhvaćeno stanovništvo Općine.

Od ukupne mase sredstava namijenjenih za razvoj sporta, a koja se raspoređuju putem javnog poziva sportskim organizacijama, koje apliciraju svojim programima rada i sportskim projektima, do 10 % će se namijenski odvojiti za finansiranje sportskih projekata koji obuhvataju invalidna lica ukoliko posebnim grantom nisu predviđena sredstva namijenjena za ovakve projekte.

#### **Član 4.**

Sportske organizacija koje svojim djelovanjem ostvaruju javni interes Općine u sportu, nakon objavljivanja javnog poziva upućenog putem sredstava javnog informisanja, dostavljaju općinskoj službi nadležnoj za sport svoj program rada za narednu godinu najkasnije do 30. oktobra tekuće godine.

#### **Član 5.**

Sportske organizacije, iz člana 4. ovog Pravilnika, koje kandidiraju svoje programe za dodjelu budžetskih sredstava Općine moraju zadovoljavati slijedeće kriterije:

- ◆ da je nosilac projekta, odnosno podnosilac kandidature, organiziran u skladu sa Zakonom i drugim zakonskim propisima;
- ◆ da je stručni rad u sportskoj organizaciji usklađen sa članovima 25. i 26. Zakona, te članom 3. „Pravilnika o bližim uslovima stručne spreme stručnog kadra u sportu“ („Službene novine Kantona Sarajevo, broj 23/03), što obavezuje na uspostavljanje kriterija “kvaliteta rada sa djecom i omladinom”;
- ◆ da kandidirani projekt obuhvata što veći broj djece i omladine stanovnika Starog Grada, odnosno invalidnih lica, za koja se zbog specifičnosti sociološke grupacije ne insistira na što većem broju i procentu stanovnika Starog Grada. Broj sportista, kao parametar kriterija masovnosti, je uvjetovan specifičnošću određene sportske discipline, sadržane u programu ili projektu. Specifičan je način rada, kao i uslovi rada (sportski teren, sportski mobilijar, oprema...) u različitim sportskim disciplinama (npr. tenis u odnosu na karate);
- ◆ da se kontinuirano provodi zdravstveni nadzor na osnovu članova 34. i 35. Zakona, kao i članom 5. „Pravilnika o zdravstvenom nadzoru sportista Kantona Sarajevo“, („Službene novine Kantona Sarajevo, broj 27/03),. Za „razvojni sport“, zdravstveni nadzor se kontinuirano (2 puta godišnje) provodi u zavodu za sportsku medicinu Kantona Sarajevo, dok se za „sport za sve“ može obaviti pregled i u drugim zdravstvenim ustanovama na način kako se traži u članu 5. „Pravilnika o zdravstvenom nadzoru sportista Kantona Sarajevo“;
- ◆ da se prethodni kriteriji ispunjavaju kontinuirano i da su sportskim aktivnostima obuhvaćeni građani Općine, na način koji osigurava poštivanje duha olimpizma i fer pleja, kao i suzbijanje bilo koje vrste segregacije, nasilja, doppinga i ostalih vidova nesportskog ponašanja (član 3. Zakona);

#### **Član 6.**

Posebna procedura kandidiranja za općinski budžet može obuhvatiti finansiranje sportskih manifestacija (memorijalni turniri, školska takmičenja i sl.), samo ukoliko su organizirane na osnovu članova 17. 18. i 19. Zakona. Projekt kandidiranja sportske manifestacije treba sadržavati

prepoznatljiv interes Općine u smislu popularizacije sporta, obilježavanja ličnosti i događaja značajnih za Općinu, Grad Sarajevo i Kanton Sarajevo, kao i afirmaciju kulturnih, historijskih i civilizacijskih vrijednosti Općine Stari Grad Sarajevo..

## Član 7.

Načelnik Općine će, u skladu sa budžetskim mogućnostima, planirati sredstva koja će biti u funkciji pomoći kategorisanim sportistima prema „Pravilniku o kategorizaciji sportista prema ostvarenim rezultatima“ („Službene novine Kantona Sarajevo, broj 23/03). Pravo na ovu vrstu pomoći imaju sportisti slijedećih kategorija:

- a) **ZASLUŽNI SPORTISTI** – svjetska A klasa,
- b) **VRHUNSKI SPORTISTI** – svjetska B klasa,
- c) **OSTALI SPORTISTI:**

- internacionalna B klasa,
- internacionalna C klasa,
- internacionalna D klasa,
- nacionalna A klasa,
- nacionalna B klasa,

Sportisti „nacionalne A klase“ i „nacionalne B klase“, imaju pravo iz prethodnog stava kada su osvojili prvenstvo ili kup Bosne i Hercegovine, ili su kroz ova takmičenja stekli pravo da učestvuju u međunarodnom službenom takmičenju (organizovanom od zvanične svjetske ili evropske sportske asocijacije), isključivo ako su ta takmičenja organizovana od Olimpijskog komiteta BiH, kao i drugih zvaničnih strukovnih sportskih saveza Bosne i Hercegovine.

Pomoć je namijenjena isključivo za situacije:

- ◆ kada se neki od kategorisanih sportaša, stanovnika Općine, nalazi u fazi priprema za velika sportska takmičenja (olimpijske igre, svjetska prvenstva, evropska prvenstva, univerzijada i mediteranske igre, finala svjetskih i evropskih kup takmičenja) što uređuje član 17. Zakona. Također, mogu se finansirati i pripreme sportista koji svojim sportskim dostignućima i potencijalima mogu ispuniti olimpijsku normu. U svim navedenim slučajevima, pismeni zahtjev za pomoć kategorisanom sportisti upućuje isključivo njegov zvanični strukovni sportski savez Bosne i Hercegovine. Zahtjev treba da sadrži sportski rezultat sportiste, naziv takmičenja za koje se sportista priprema, te obrazloženje zahtjeva;
- ◆ kada sportista, stanovnik Općine, kategorisan u jednu od navedenih kategorija, traži pomoć, putem matičnog kluba ili sportskog strukovnog saveza, za rješenje određenog socijalnog problema ili liječenje.

## Član 8.

Načelnik Općine može svojom odlukom finansijski intervenirati i kod drugi sportskih projekata, kada procijeni da se tom pomoći doprinosi ukupnoj afirmaciji Bosne i Hercegovine, Kantona Sarajevo i Grada Sarajevo.

## **Član 9.**

Realizaciju projekata i programa, koji se finansiraju sredstvima općinskog budžeta, će pratiti općinska služba nadležna za sport. U slučaju ne ispunjavanja usvojenih programa i nepoštivanja odredbi ovog Pravilnika, Općinski Načelnik će poduzeti mjere u skladu sa članom 44. Zakona i članom 13. Odluke.

## **Član 10.**

Stupanjem na snagu ovog Pravilnika prestaje da važi Pravilnik o kriterijima za finansiranje javnog interesa Općine Stari Grad Sarajevo u oblasti sporta („Službene novine Kantona Sarajevo“, broj 29/01).

## **Član 11.**

Ovaj Pravilnik stupa na snagu danom objavljivanja na oglasnoj tabli Općine Stari Grad Sarajevo, a naknadno će biti objavljen u „Službenim novinama kantona Sarajevo“.

**BROJ:** 01-  
Sarajevo, februara 2009. godine

**N A Č E L N I K O PĆINE  
STARI GRAD SARAJEVO**  
Ibrahim Hadžibajrić

## **O b r a z l o Ź e n j e**

Postoji niz razloga za donošenje novog Pravilnika o kriterijima za finansiranje javnog interesa Općine u oblasti sporta, koji su procjenjeni i evidentirani unutar Službe za privredu, obrazovanje kulturu i sport:

1. Stari Pravilnik je donešen u oktobru 2001. godine, tako da je neminovno, nakon 8 godina, obuhvatiti sve vidove budžetskog finansiranja sporta, koji su se pojavili u novim društveno-ekonomskim okolnostima, a koje ne tretiraju aktuelni kriteriji. Postoji niz situacija koje su se pojavile u osmogodišnjoj praksi, koje nisu obuhvaćene starim pravilnikom, a za čije finansiranje postoji društvena opravdanost utemeljena u Zakonu o sportu Kanton Sarajevo.
2. Osmogodišnja iskustva, kao i određena odstupanja od postojećih pravila (to je pokazala dosadašnja praksa raspodjele budžetskih sredstava) odredili su neophodnost proširenja, dopune i preciziranja pojedinih kriterija. Tako uspostavljeni standardi će pomoći svim faktorima odlučivanja da u efikasnijoj proceduri donose kvalitetnije odluke.
3. Jasnije prezentiranje pojedinih terminoloških specifičnosti se otklanjaju određene nejasnoće koje su se iskazivale u proceduri odlučivanja. Npr. otklanjaju se dileme da li se finansira sportska organizacija ili sportski program, odnosno projekt. Također, precizno se utvrđuje procent izdvajanja za invalidni sport, te se precizira koje su ciljne grupe, i koje dobne strukture se isključivo mogu finansirati budžetskim sredstvima. Pored toga, konkretnim uputama na pojedine odredbe Zakona, Odluka i pravilnika, konkretnije se prezentira zakonski osnov, te preciznije definišu neke formulacije („sport za sve“, „razvojni sport“, „kategorisani sportisti“...). Tako se otklanjanju sve nedoumice vezane za pitanja, šta su ciljevi ulaganja Općine u sport, te kakvi se sportski programi i projekti mogu finansirati budžetskim sredstvima.

Kompletan postupak je pokrenut u Službi obrazovanje, kulturu i sport, a u donošenju konačnog teksta prijedloga je učestvovala i Komisija za fizičku kulturu i sport Općinskog vijeća Stari Grad Sarajevo, koja je na svojoj 2. sjednici, održanoj 12. februara 2009. godine razmatrala prijedlog i predložila određene izmjene koje su ugrađene u konačan tekst.

**STRUČNA OBRADA:**  
Služba za privredu, obrazovanje, kulturu i sport